



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-320-1729/25 EH
Sarajevo, 23.10.2025. godine

SKUPŠTINA KANTONA SARAJEVO
KABINET PREDJEDAVAJUĆEG I ZAMJENIKA PREDSJEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine

Predmet: Zastupničko pitanje zastupnice Marijela Hašimbegović, Odgovor, dostavlja se.-

Veza: Vaš akt broj: 01-04-49840-6/25 od 15.10.2025. godine

Zastupnica u Skupštini Kantona Sarajevo Marijela Hašimbegović, dana 15.10.2025. godine, u skladu sa članom 211. i 214. Poslovnika Skupštine Kantona Sarajevo, na 25. Radnoj sjednici Skupštine Kantona Sarajevo, uputila je zastupničko pitanje Uredu za borbu protiv korupcije Kantona Sarajevo, koje glasi: „Tražim da mi se dostavi informacija o tome da li su poduzete radnje na osnovu zaprimljenih prijava koje se odnose na postupak imenovanja direktora Kantonalnog centra za socijalni rad Kantona Sarajevo, i očekujem da navedete koje ste mjere preduzeli. Budući da je Ured za borbu protiv korupcije KS, prema dostupnim saznanjima zaprimio više prijava u vezi sa navedenim slučajem, smatram da je transparentno informisanje o poduzetim radnjama važan korak ka jačanju povjerenja građana u zakonitost i integritet procesa imenovanja na javne funkcije, kao i u rad nadležnih institucija“.

S tim u vezi, Ured za borbu protiv korupcije Kantona Sarajevo je izvršio uvid u Registar imenovanih lica Kantona Sarajevo gdje je konstatovano da je za direktora JU „Kantonalnog centra za socijalni rad“ Sarajevo imenovana Draženka Osmanspahić sa početkom rada 26.06.2025. godine, a da je u periodu od 02.09.2024. godine do 02.06.2025. godine Draženka Osmanspahić bila imenovana kao v.d. direktor JU „Kantonalnog centra za socijalni rad“ Sarajevo.

S tim u vezi, informišemo Vas da je Ured za borbu protiv korupcije Kantona Sarajevo dana 06.03.2025. godine i 02.04.2025. godine zaprimio prijave koje se odnose na navodne proceduralne nepravilnosti u JU „Kantonalni centar za socijalni rad“ Sarajevo počinjene prilikom imenovanja vršioca dužnosti direktora ustanove. Naime u prijavi je navedeno da je Draženka Osmanspahić imenovana kao v. d direktor ustanove na period duži od šest mjeseci, a što je protivno pravnim propisima.

Postupajući u okviru svojih nadležnosti, Ured je pokrenuo postupak provjere navoda iz prijave, kojom prilikom je konstatovano da je članom 31. stav 2. Zakona o ustanovama („Službeni list R BiH“, broj 6/92, 8/93 i 13/94), te Pravilima JU „Kantonalni centar za socijalni rad“ Sarajevo propisano da vršilac dužnosti direktora može rukovoditi ustanovom do imenovanja direktora, a najduže šest mjeseci od dana njegovog imenovanja. U konkretnom slučaju, izvršeno je imenovanje iste osobe za vršioca dužnosti direktora dva puta za period duži od šest mjeseci (prvi put šest mjeseci, a drugi put tri mjeseca).

S obzirom na naprijed navedeno, kao i činjenicu da Upravni odbor navedene javne ustanove, koji je donio Odluku o imenovanju vršioca dužnosti direktora, za svoj uspješan i zakonit rad odgovara Vladi Kantona Sarajevo, odnosno Ministarstvu za rad, socijalnu politiku, raseljena lica i izbjeglice Kantona Sarajevo, te da direktora ustanove čiji je osnivač kanton imenuje upravni odbor ustanove, uz prethodnu saglasnost Vlade Kantona Sarajevo, odnosno kantonalnog ministarstva, Ured je sačinio Informaciju o učenom broj: 20-04-320-679/25 EH od 12.05.2025. godine koja je dostavljena Ministarstvu za rad, socijalnu politiku, raseljena lica i izbjeglice Kantona Sarajevo na znanja i daljeg razmatranja, te radi prevencije eventualnih budućih nepravilnosti.

Napominjemo da Ured nije provodio postupak provjere u vezi imenovanja Draženke Osmanspahić na puni mandat.

S poštovanjem,

Dostaviti:
1.Naslovu;
2.a/a.

